

U skladu sa članom 10. i 12. Zakona o udruženjima i fondacijama Bosna i Hercegovine ("Službeni glasnik BiH", br. 32/01, 42/03, 63/08) Osnivačka skupština Udruženja građana BOSONA na sjednici održanoj u Sarajevu dana 20.03.2009. usvojila je

## **S T A T U T - IZVOD**

### **Udruženja građana BOSONA**

#### **I OPĆE ODREDBE**

Udruženje građana BOSONA (u daljem tekstu: Udruženje) je dobrovoljno, nestranačko, nevladino i neprofitno udruženje građana. Udruženje je osnovano Odlukom o osnivanju usvojenom na sjednici Osnivačke skupštine održanoj dana 20.03.2009. godine u Sarajevu, u skladu sa Zakonom o udruženjima i fondacijama Bosne i Hercegovine.

Puni naziv udruženja je:

Puni naziv udruženja na bosanskom jeziku je : Udruženje građana BOSONA

Puni naziv udruženja na hrvatskom jeziku je: Udruga građana BOSONA

Puni naziv udruženja na srpskom jeziku je: Удружење грађана БОСОНА

Puni naziv udruženja istovjetan je na sva tri jezika koja su u službenoj upotrebi u Bosni i Hercegovini.

Udruženje ima svojstvo pravnog lica i upisano je u Registar kod nadležnog Ministarstva pravde Bosne i Hercegovine RJ br UP08-07-1-108/09 dana 01.04.2009

#### **II OSNOVI CILJEVI I DJELATNOSTI UDRUŽENJA**

Osnovni ciljevi i djelatnosti Udruženja su:

- okupljanje osoba koje se bave ili zanimaju za historijsko nasljeđe Bosne i Hercegovine
- aktivnosti na očuvanju i njegovanju, historijskog nasljeđa Bosne i Hercegovine i prikupljanju i širenju informacija vezanih za historijsko nasljeđe Bosne i Hercegovine
- učešće u izradi i implementaciji promotivnih projekata koji doprinose ostvarivanju ciljeva i djelatnosti Udruženja,
- promocija historijskih, prirodnih, kulturnih i ekonomskih potencijala i resursa, kao i duhovnih vrijednosti u Bosni i Hercegovini,
- poticanje i osnaživanje volonterskog i humanitarnog rada;
- organizovanje savjetovanja, seminara, treninga, edukativnih kurseva, predavanja radi usavršavanja članova i šire društvene okoline, kao i manifestacija kulturnog i zabavnog karaktera,
- prikupljanje, katalogizacija i arhiviranje literature, publikacija, brošura, knjiga u pisanoj, elektronskoj i audiovizualnoj formi i ostalih publikacija neprofitnog karaktera u svrhu promocije ciljeva i djelatnosti Udruženja,

- poticaj na korištenje informacionih tehnologija u obradi informacija o historijskom nasljeđu i publikovanje software-skih edukativnih aplikacija svrhu promocije ciljeva i djelatnosti Udruženja
- razmjena iskustava sa istim ili sličnim udruženjima i drugim nevladinim organizacijama u zemlji i inostranstvu.

Udruženje se osniva na neodređeno vrijeme. Utvrđene ciljeve udruženje ostvaruje na način određen zakonom, ovim Statutom i drugim općim aktima udruženja.

Udruženje ima svoj znak.

Znak Udruženja čini riječ BOSONA ispisana kombinacijom velikih i malih stiliziranih ćiriličnih i latiničnih štampanih slova

### **III ČLANSTVO U UDRUŽENJU**

Svojstvo člana udruženja može steći svako fizičko lice, državljanin Bosne i Hercegovine koji vlastoručno potpiše pristupnicu i prihvati Program i Statut udruženja.

Članstvo u udruženju je dobrovoljno.

Odluku o prijemu novog člana udruženja donosi Upravni odbor udruženja.

Članstvo u udruženju prestaje:

- istupanjem člana,
- isključenjem člana,
- smrću člana.

Svaki član udruženja može istupiti iz udruženja na osnovu pismene izjave o istupanju koju dostavlja Upravnom odboru udruženja.

Članovi udruženja imaju slijedeća prava i obaveze:

- da aktivno učestvuju u radu udruženja i ostvarivanju njegovih ciljeva;
- da biraju i budu birani u organe udruženja;
- da budu redovno i blagovremeno obaviješteni o aktivnostima udruženja;
- da surađuju sa ostalim članovima udruženja;
- da čuvaju i podižu ugled udruženja;
- da ostvaruju druga prava i obaveze utvrđene ovim Statutom i drugim općim aktima udruženja.

Rad udruženja je javan.

Članovi udruženja imaju pravo biti redovno informirani o radu svih organa udruženja.

.....  
Izvod iz STATUTA